

# ՀԱՄԱԳՈՐԾԱԿՑՈՒԹՅԱՆ ՀԱՄԱՁԱՅՆԱԳԻՐ

ք. Երևան

« 14 » հուլիս 2021թ.

## 1. ԸՆԴՀԱՆՈՒՐ ԴՐՈՒՅԹՆԵՐ

- 1.1. Շուշիի տեխնոլոգիական համալսարանն (այսուհետ՝ Համալսարան) ի դեմս ռեկտոր Հ. Թոքմաջյանի, ով գործում է Համալսարանի կանոնադրության հիման վրա՝ մի կողմից և Հայաստանի պետական տնտեսագիտական համալսարանը (այսուհետ՝ ՀՊՏՀ), ի դեմս ռեկտոր Դ. Գալոյանի, ով գործում է ՀՊՏՀ կանոնադրության հիման վրա՝ մյուս կողմից (այսուհետ՝ Կողմեր), հաշվի առնելով համագործակցելու փոխադարձ ցանկությունը, կազմեցին սույն համաձայնագիրը համագործակցության մասին:
- 1.2. Կողմերը համաձայն են կրթադաստիարակչական, գիտահետազոտական և ուսումնամեթոդական գործունեության ոլորտներում համատեղ փոխշահավետ ծրագրերի մշակմանը և իրականացմանը, դասախոսների և ուսանողների ակադեմիական փոխանակմանը, համատեղ հայտարարությունների և փաստաթղթերի ստորագրմանը, տեղեկատվական և մարզամշակութային միջոցառումների իրականացմանը և այդ նպատակին հասնելու համար արտահայտում են պատրաստակամություն՝ կիրառելու իրենց հաստատություններում առկա մտավոր և նյութատեխնիկական ներուժը:

## 2. ՀԱՄԱԳՈՐԾԱԿՑՈՒԹՅԱՆ ՈՒՂՂՈՒԹՅՈՒՆՆԵՐԸ ԵՎ ԽՆԴԻՐՆԵՐԸ

Կողմերը կապահովեն՝

- 2.1. Հայաստանի Հանրապետության (ՀՀ) և Արցախի Հանրապետության (ԱՀ) բուհական համակարգերում իրականացվող փոփոխությունների, իրավական փաստաթղթերի, ակտերի և միջոցառումների մասին տեղեկությունների փոխանակումը,
- 2.2. խորհրդատվական ծառայություններ կրթական գործընթացների վերլուծության և դրանց աջակցության նպատակով,

- 2.3. փոխադարձ մասնակցությունը երկկողմանի հետաքրքրություն ներկայացնող կրթական և հետազոտական ծրագրերի և կրթության ոլորտում նորմատիվ փաստաթղթերի քննարկումներին,
- 2.4. համապատասխան մասնագետների մասնակցությունը անցկացվող գիտաժողովներին, սեմինարներին, կոնֆերանսներին,
- 2.5. համալսարանների կառուցվածքային ստորաբաժանումների՝ ֆակուլտետների, ամբիոնների, առանձին գիտական և կրթական կենտրոնների համագործակցությունը,
- 2.6. ուսանողական ինքնավար կառույցների՝ ուսանողական խորհուրդների, ուսանողական գիտական ընկերությունների համագործակցությունը՝ ճանաչողական փոխայցելությունների, համատեղ գիտաժողովների, առարկայական օլիմպիադաների, մարզամշակութային և այլ միջոցառումների կազմակերպման ճանապարհով:
- 2.7. Տարբեր միջոցառումների, խնդիրների և ծրագրերի իրականացման ուղղությամբ ծավալուն և առարկայական համագործակցելու դեպքում կողմերի միջև երկկողմանի պայմանագրերի կնքում, որոնցով կկարգավորվեն համապատասխան աշխատանքների իրականացումը, կողմերի իրավունքներն ու պարտականությունները:

### 3. ԿՈՂՄԵՐԻ ՊԱՐՏԱՎՈՐՈՒԹՅՈՒՆՆԵՐԸ

- 3.1. ՀՊՏՀ-ն կիրականացնի հետևյալ միջոցառումները՝
  - 3.1.1. Համալսարանին կտրամադրի իր կողմից վերամշակված և թարմացված ուսումնական պլաններ, առարկայական ծրագրեր, ուսումնական և օժանդակ գրականություն,
  - 3.1.2. իր հնարավորություններով կաջակցի Համալսարանում նոր տեղեկատվական տեխնոլոգիաների ներդրմանը,
  - 3.1.3. իր հնարավորություններով կաջակցի Համալսարանի մասնագետների պատրաստման, պրոֆեսորադասախոսական կազմի համալրման, ատենախոսությունների պաշտպանության, ֆակուլտետների և ամբիոնների փոխգործակցության կազմակերպման գործընթացներին,



- 3.1.4. կմասնակցի համալսարանում կրթության որակի բարելավմանը, դասախոսական կազմի որակավորման պարբերական բարձրացմանը,
  - 3.1.5. կմասնակցի համատեղ ուսանողական գիտաժողովների, առարկայական օլիմպիադաների, մարզական սպարտակիադաների կազմակերպմանը,
  - 3.1.6. իր հնարավորությունների սահմաններում կմասնակցի համալսարանի նյութատեխնիկական բազայի ամրապնդմանը,
  - 3.1.7. կնպաստի համատեղ ուսանողական ճամբարների և ամառային դպրոցների կազմակերպմանը ՀՀ-ում և ԱՀ-ում,
  - 3.1.8. ՀՀ ուսումնական և այլ հաստատություններում, իր հնարավորությունների սահմաններում, կմասնակցի տնտեսագիտական մասնագիտությունների գծով համատեղ փորձառությունների կազմակերպմանը,
  - 3.1.9. իր հնարավորությունների սահմաններում կնպաստի բուհական կրթությանն առնչվող միջազգային միջոցառումներին (գիտաժողովներին, սեմինարներին, խորհրդակցություններին) Համալսարանի դասախոսների մասնակցությունը,
  - 3.1.10. իր հնարավորությունների սահմաններում կաջակցի Համալսարանի ինտեգրմանը ՀՀ բարձրագույն կրթական համակարգին՝ հետևողական աշխատանքներ կատարելով Բոլոնյան կրթական համակարգին լիարժեք ներգրավման ուղղությամբ,
  - 3.1.11. հաշվի առնելով ԱՀ չճանաչված պետություն լինելու հանգամանքը, Համալսարանի շրջանավարտների արտերկրի բուհերում ուսումը շարունակելու նպատակով ՀՀ օրենսդրությանը համապատասխան միջոցներ կձեռնարկի նրանց ՀՊՏՀ դիպլոմներ (կրկնակի) շնորհելու համար,
  - 3.1.12. Կողմերի կողմից կապահովվի Կողմերի ներկայացուցիչների փոխադարձ ներգրավումը ավարտական (պետական) քննությունների գործընթացներում: –
- 3.2. Համալսարանը կիրականացնի հետևյալ միջոցառումները՝
    - 3.2.1. կաջակցի համագործակցության հաջող զարգացմանը՝ ՀՊՏՀ-ին տրամադրելով անհրաժեշտ տեղեկատվություն իր առաջնահերթ ուսումնական կարիքների և խնդիրների վերաբերյալ,
    - 3.2.2. ՀՊՏՀ-ին պարբերաբար կտեղեկացնի իր մոտ անցկացվող գիտահետազոտական աշխատանքների, սեմինարների, կոնֆերանսների, կլոր սեղանների, հանդիպում քննարկումների մասին և կնպաստի ՀՊՏՀ ներկայացուցիչների մասնակցությունը դրանց,



- 3.2.3. իր հնարավորությունների սահմաններում ՀՊՏՀ կողմից ԱՀ-ում իրականացվող միջոցառումների համար կապահովվի համապատասխան պայմաններ,
- 3.2.4. կմասնակցի ԱՀ-ում, այդ թվում՝ վերաբնակեցվող շրջաններում, ուսանողների փորձառությունների համատեղ կազմակերպմանը և իրականացմանը,
- 3.2.5. ՀՊՏՀ և Համալսարանի սովորողների համար կկազմակերպի համատեղ ինտելեկտուալ և մարզամշակութային միջոցառումներ, ցուցահանդեսներ, շրջայց ԱՀ պատմամշակութային արժեքներ ունեցող տեսարժան վայրերով,
- 3.2.6. նյութեր կտրամադրի ՀՊՏՀ-ին Արցախի և նրա վերաբնակեցվող շրջանների տնտեսագիտական հետազոտությունների, հայրենագիտական, արցախագիտական և այլ հետազոտությունների իրականացման համար,
- 3.2.7. կիրականացնի ուսումնական պլանների թարմացում՝ աշխատաշուկայի պահանջներին համապատասխան, Համալսարանի համապատասխան մասնագիտություններով ուսումնական ծրագրերի կազմման գործընթացին ՀՊՏՀ-ի մասնագետների ներգրավում՝ որպես խորհրդատուներ,
- 3.2.8. ՀՊՏՀ-ի հետ կհամագործակցի ուսանողների և շրջանավարտների աշխատաշուկայում մրցունակության բարձրացմանն ու կարիերայի խնդիրների լուծմանն ուղղված ծրագրերի իրականացմանն ուղղությամբ՝ պարբերաբար համատեղ կազմակերպելով «Հանրապետական միջբուհական աշխատանքի տոնավաճառ», կոնֆերանսներ, սեմինարներ, խորհրդակցություններ և այլ միջոցառումներ,
- 3.2.9. Աշխատանքների արդյունավետությունը բարձրացնելու նպատակով ՀՊՏՀ-ի հետ համատեղ կձևավորի մշտական կամ ժամանակավոր կառույցներ, աշխատանքային խմբեր, խորհրդակցական մարմիններ, խորհուրդներ, հանձնաժողովներ:

#### **4. ՀԱՄԱՁԱՅՆԱԳՐՈՎ ՆԱԽԱՏԵՍՎԱԾ ՄԻՋՈՑԱՌՈՒՄՆԵՐԻ ՆՅՈՒԹԱԿԱՆ ԱՊԱՀՈՎՈՒՄԸ**

- 4.1. Սույն համաձայնագրի կատարումն ապահովելու համար Կողմերը նշանակում են մեկական ներկայացուցիչ՝ պրոռեկտորի մակարդակով: Կողմերի ներկայացուցիչները պարտավորվում են համատեղ կարգավորել ընթացիկ փոխգործակցության հարցերը:
- 4.2. Կողմերը սույն համաձայնագրի շրջանակներում ֆինանսական պարտավորություններ չեն կրում:



**5. ՀԱՄԱՁԱՅՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ, ԼՐԱՑՈՒՄՆԵՐԸ,  
ՓՈՓՈԽՈՒԹՅՈՒՆՆԵՐՆ ՈՒ ԴԱԴԱՐԵՑՈՒՄԸ**

- 5.1. Սույն համաձայնագիրն ուժի մեջ է մտնում ստորագրման պահից և գործում է անժամկետ:
- 5.2. Սույն համաձայնագրի մեջ փոփոխություններն ու լրացումները կատարվում են Կողմերի փոխադարձ գրավոր համաձայնությամբ: Սույն համաձայնագրի փոփոխություններն ու լրացումները կազմվում են լրացուցիչ համաձայնագրով և դառնում են սույն համաձայնագրի անքակտելի մասը:
- 5.3. Սույն համաձայնագիրը կարող է լուծվել Կողմերի փոխադարձ համաձայնությամբ կամ Կողմերից մեկի նախաձեռնությամբ՝ ենթադրվող հրաժարումից ոչ ուշ, քան մեկ ամիս առաջ մյուս Կողմին գրավոր ծանուցելով:
- 5.4. Սույն համաձայնագրով չնախատեսված հարաբերությունների կարգավորման առումով Կողմերն առաջնորդվում են ՀՀ օրենսդրությամբ:
- 5.5. Սույն համաձայնագիրը կազմված է իրավաբանական հավասար ուժ ունեցող երկու օրինակից, յուրաքանչյուր Կողմին՝ մեկական օրինակ:

**6. ԿՈՂՄԵՐԻ ՏՎՅԱԼՆԵՐԸ**

«Հայաստանի պետական  
տնտեսագիտական  
համալսարան» ՊՈԱԿ  
Հասցեն՝ ՀՀ ք. Երևան, Նալբանդյան 128

Ռեկտոր՝



Դ. ԳԱԼՈՅԱՆ

Շուշիի տեխնոլոգիական  
համալսարան

Հասցեն՝ ԱՀ, ք.Շուշի, Ա. Բեկորի 4

Ռեկտոր՝



Հ. ԹՈՔՄԱՋՅԱՆ